

zulegen/ vnd zertrümmern pflege/ so ist auch solche/ bey diesem meinem Architectur Werck angeheuckte description, wie anders alles/ dem Kunst vnd Histori liebenden Leser / vnd Meer Kriegsmann zum besten von mir gemaint/ nicht allein ihne darmit zu recreirn, sondern auch mein obige deduction der Schiffgebaw dar durch ganz beheglich zu illustrirn.

Demnach nun/ wie erst gemelt worden / dem Erbfeind in Cipro also wol gelungen/ hat es ihne das Hertz vnd den Muth ergrössert / noch weiter in die Christenheit zusetzen. Vnd wurde hierzu der Occhiali zum Capitano Generale vber ihr Meer Armata erwöhlet / der dann bald hernach in Dalmatia eingefallen/ dieselbige Gegend mit Fesw vnd Schwerdt also verderbt / daß die werthe Christenheit/sonderlichen die im Mediteraneischen Meergelegene Insulen/ nicht vnbillich in grosse Forcht vnd Bestürkung darüber gerathen. Vnd deswegen vmb eilende Hilff starck angehalten.

Vnter dessen/ vnd auff den Ersten Augusti des. 1571. Jahrs / Morgens vor Tag / vnd im Porto di Genova begabe sich Sua Altezza Don Gio: di Austria auff die Galea Reale: (in willens ein Meer Armata zu versambeln/ vnd darmit die betrangte Christen zusetzen) mit/ vnd neben ihme Inbarchierte sich auch der Sig^r: Gio: Andrea Doria von Genova, sampt. 12. andern Galeen, die Fuhren nach Napoli, von dannen aber nach der Insul Sicilia, vnd erraichten auff den. 24. Augusti Messina, allda sie dann mit grossen Frewden / vnd ansehnlicher Pompa seind empfangen worden / zu der Zeit liesse die Serenissima Republica di venetia zum andern mahl wider den Erbfeind vmb Hilff anhalten; deswegen in Messina eilends ein Kriegs Rath zusammen beruffen / vmb zuberathschlagen/ wie doch diesem Vnheil abzuwehren/ sich gegen dem Erbfeind zu defendieren die Sachen anzustellen sein möchten / vnd wurde vom Sig^r:

Afcanio dalla Cornia ein Memorial vngesährlich volgendes Inhalts vbergeben:

Demnach Vrà: Altezza, Befelch gegeben/ daß ich in gleichem mein Maining vber dises Vnwesen schriftlich verfassen/ vnd dem Vöblichen Kriegs Rath vbergeben solle / das beschicht nun kurtzlich mit folgendem / als wir abzunehmen haben / so erstreckt sich vnsrer ganze Macht an jeko auff. 146. außgerüster Galeen. 6. Galeazze. 20. Naven, vnd. 20. Fuste. Ferner so erwarten wir Täglich (wa sie aber vmbschweben/ ist allein G D Z Z bewusst/ der wolle sie bald vnd glücklich erscheinen lassen) auß Candia noch anderer.

60. Ga-

Die Türckische Armata thut grossen Schaden in Dalmatia.

Don Gio: vann di Austria begibt sich auff das Meer.

Zu Messina wird berathschlaget wider de Türcken aufzufahren.